



Bilten Saveza općina i gradova Federacije Bosne i Hercegovine



Godina: XX

Datum: 07.04.2023.

Broj: 286

10. SJEDNICA KOMISIJE ZA IZBOR I IMENOVANJA SAVEZA OPĆINA I GRADOVA FBiH

Dana 16.03.2023.godine, u online formi održana je Deseta sjednica Komisije za izbor i imenovanje Saveza općina i gradova Federacije Bosne i Hercegovine u ovom mandatu. Pored članova komisije sjednici je prisustvovala i direktorica Saveza Vesna Travljanin, Amir Kupusija i Aida Kurbegović.

Direktorica Travljanin je istakla da je u pripremi **prednacrt Zakona o vodnim uslugama/ Zakona o uslugama snabdijevanja vodom za piće, odvodnje i prerade/tretmana urbanih otpadnih voda u Federaciji BiH**, te je u skladu sa tim Federalno ministarstvo poljoprivrede, vodoprivrede i šumarstva tražilo od Saveza da imenuje člana i zamjenika člana u Radnu grupu za pripremu prednacrt zakona. Komisija je izabrala **Hamzaliju Hojkurić** (Općina Tešanj) za člana, a za zamjenika Fatimu **Pečenković** (Grad Bihać).

Federalno ministarstvo poljoprivrede, vodoprivrede i šumarstva se također obratilo Savezu sa molbom za imenovanje člana radne grupe u okviru Projekta „Izrada Master plana aglomeracija u BiH za učinkovito planiranje i implementaciju EU Direktive o prečišćavanju komunalnih otpadnih voda“, i to za člana za izradu Master plana aglomeracije, GIS-a i DSIP-a i APID-a.

Za člana Radne grupe **za izradu Master plana aglomeracije** je nakon glasanje Komisije putem google form aplikacije izabrana **Vanisa Pjano** (Općina Vogošća), a za zamjenika **Ana Buljubašić** (Grad Čapljina).

Za člana za izradu **GIS-a** (Informacioni sistem sektora voda na državnom nivou), nije bilo prijavljenih kandidata, te je prihvaćeno da Stručna služba Saveza ovaj postupak provede naknadno.

Za člana radne grupe **za izradu DSIP-a** (Specifični plan za provođenje UWWTD) i **APID-a** (Akcioni plan za provođenje UWWTD u BiH), izabran je **Željko Soko** (Grad Čapljina).

Na kraju sjednice Komisije je razmatrala prijedloge za imenovanje članova u **Komisiju za dodjelu novinarske nagrade Saveza**. Direktorica Travljanin je naglasila kako je cilj ovom nagradom da se potakne kvalitetnije i redovnije izjašnjavanje sa lokalnog nivoa. Za članove su izabrani **Amir Musirić** (Općina Vogošća), **Miroslav Landeka** (Grad Mostar) i **prof. Elmir Sadiković**.

Zaključci sa sjednice Komisije biće upućeni Predsjedništvu Skupštine Saveza na razmatranje i prihvaćanje.

ODRŽAN RADNI SASTANAK U PARLAMENTU FBiH

Održan radni sastanak predstavnika Saveza općina i gradova Federacije Bosne i Hercegovine na čelu sa direktoricom gospođom Vesnom Travljanin i predsjednika Komisije za lokalnu samoupravu Predstavničkog doma Parlamenta Federacije Bosne i Hercegovine Salke Zildžića.

Na sastanku je razgovarano o budućoj saradnji Saveza općina i gradova Federacije Bosne i Hercegovine i Komisije za lokalnu samoupravu na pitanjima od značaja za jedinice lokalne samouprave.



USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE

Halko Basarić, viši saradnik za finansijska pitanja
halko@sogfbih.ba

KORISNI LINKOVI ZA FONDOVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmemed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

2. SASTANAK MREŽE ZA INTERNU REVIZIJU SAVEZA

Drugi sastanak Mreže za internu reviziju SOGFBiH održan je u Tuzli 15.03.2023. godine, uz prisustvo 15 rukovoditelja služba za internu reviziju i internih revizora iz 11 općina i gradova u FBiH. Pored članova Mreže, ovom sastanku prisustvovali su i rukovoditeljica Odjela za finansijsku reviziju institucija kantona, gradova i općina u Uredu za reviziju institucija u FBiH g-đa Amela Mulahalilović, i mlađi revizor za finansijsku reviziju u Sektoru za finansijsku reviziju institucija kantona, gradova i općina g-din Bakir Likić.



Ovaj sastanak je imao tematski karakter, u smislu ostvarivanja i unaprijeđivanja saradnje između funkcije interne revizije i vanjske revizije. Prezentiran je proces vanjske revizije gradova i općina od strane Ureda za reviziju institucija u FBiH, te je još jednom naglašena potreba tijesnije saradnje vanjske i interne revizije. Također, usaglašena je koordinacija i održavanje zajedničkih sastanaka između Mreže i Ureda za reviziju institucija u FBiH na godišnjem nivou. Zamjenica predsjedavajuće Mreže za internu reviziju g-đa Lejla Šipur prezentirala je proces provođenja interne revizije sa praktičnim primjerom na bužetskom procesu u jedinicama lokalne samouprave.



DRUŽENJE ZA NOVINARE I PREDSTAVLJANJE NOVINARSKJE NAGRADE ZA NAJBOLJI OBJAVLJENI NOVINARSKI ČLANAK ILI PRILOG SA LOKALNOG NIVOA

U cilju uspostavljanja bolje saradnje sa medijima, Savez općina i gradova Federacije Bosne i Hercegovine je u Sarajevu, 20.03.2023. godine, organizovao ručak i druženje za novinare i novinarku. Direktor Saveza općina i gradova FBiH Vesna Travljanin, na samom početku je pozdravila sve prisutne te kazala nekoliko uvodnih napomena vezano za rad Saveza. Istakla je kako je Savez član Kongresa lokalnih i regionalnih vlasti Vijeća Evrope, gdje ima dva predstavnika. Kada je u pitanju problematika finansiranja općina i gradova, napomenula je kako Savez već duži niz godina zagovara izmjene Zakona o pripadnosti javnih prihoda kako bi se povećao udio za lokalne zajednice.

Tema o kojoj se govorilo tokom ručka je predstavljanje rada, inicijativa i projekata Saveza, te predstavljanje Novinarske nagrade za najbolji objavljeni radijski ili televizijski prilog ili novinski tekst sa lokalnog nivoa.

Uspostavljanjem Nagrade za najbolji objavljeni novinarski članak ili prilog (radio ili TV prilog), Savez općina i gradova FBiH kao krovna organizacija jedinica lokalne samouprave u Federaciji Bosne i Hercegovine, želi da potakne izvještavanje sa lokalnog nivoa i široj javnosti približi dobre primjere rada lokalne samouprave. U isto vrijeme, Savez ovom nagradom želi da podrži novinarski rad u informisanju javnosti.

Istaknuto je kako su glavni kriteriji za odabir najboljeg novinarskog članka ili priloga sa lokalnog nivoa: 1. novinarsko-publicistička i literarna vrijednost uz poštovanje profesionalnih principa novinarske profesije, te 2. profesionalno i objektivno izvještavanje o svim dešavanjima u jedinicama lokalne samouprave u Federaciji Bosne i Hercegovine (turistički, privredni, društveni i kulturni razvoj). Pojašnjeno je kako novinarski prilozima i članci mogu uključivati i pokrivanje aktivnosti sa događaja i projekata koje realizuje Savez općina i gradova Federacije Bosne i Hercegovine. Istaknuta je važnost izvještavanja medija o radu i projektima Saveza općina te o značajnim događanjima na lokalnom nivou odnosno dobre prakse.



Sa druženja sa novinarima, Sarajevo 20.03.2023. godine

Uspostavljanjem Nagrade za najbolji objavljeni novinarski članak ili prilog (radio ili TV prilog), Savez kao krovna organizacija jedinica lokalne samouprave u Federaciji Bosne i Hercegovine, želi da potakne izvještavanje sa lokalnog nivoa i široj javnosti približi dobre primjere rada lokalne samouprave.

U MOSTARU ODRŽAN SASTANAK KOMUNIKATORA SAVEZ OPĆINA I GRADOVA FEDERACIJE BOSNE I HERCEGOVINE



Sa sastanka komunikatora Saveza, Mostar 31.03.2023.

U Mostar je 31.3.2023. godine održan sastanak komunikatora Saveza općina i gradova Federacije Bosne i Hercegovine. Prezentaciju na temu „Komunikacijske vještine nosioca komunikacije Saveza općina i gradova Federacije Bosne i Hercegovine“, održala je prof. dr. Semina Ajvaz. Tokom sastanka, ukazano je na značaj i ulogu ključnih komunikatora Saveza općina i gradova Federacije Bosne i Hercegovine, nakon čega su date preporuke za online komunikaciju.

Profesorica Ajvaz je napomenula kako je u procesu komuniciranja uloga komunikatora i recipijenata od velikog značaja. Profesorica je pojasnila kako komunikatori mogu imati ključnu ulogu kod zastupanja interesa Saveza općina i gradova FBiH u medijima. Za kraj, istaknuta je važnost osobnih odnosa s javnošću i brendiranja ličnosti.

ODRŽANA OBUKA U OPĆINI CENTAR SARAJEVO

Savez općina i gradova Federacije Bosne i Hercegovine u okviru projekta „Podrška razvoju uslužno orijentisane lokalne samouprave u Federaciji Bosne i Hercegovine“, koji se realizira u okviru projekta Jačanje lokalne demokratije na Zapadnom Balkanu 2 (ReLOaD2), 21. marta 2023. godine u Općini Centar Sarajevo održao je obuku na temu: "Učešće građana i organizacija civilnog društva u procesima donošenja odluka na lokalnom nivou".



Obuci je prisustvovalo više od 30 učesnika, vijećnika, sekretara i članova savjeta mjesnih zajednica i uposlenika Općine.

Gdin Samir Avdić, vijećnik u Općinskom vijeću Centar Sarajevo je izjavio kako je Općina Centar u zadnjih nekoliko godina znatno unaprijedila saradnju sa nevladinim organizacijama i to upravo zahvaljujući ReLOaD projektu. Moderni oblici komuniciranja kao što su viber grupe i društvene mreže su također znatno unaprijedili angažman građana u procesima donošenja odluka.

Kao najveći nedostatak lokalnih zajednica u Kantonu Sarajevu gdn Avdić je naveo preklapanje nadležnosti tako da Općina Centra bez odluka Grada i Kantona u mnogim djelatnostima ne može da djeluje.

Obuku je vodila gđa Amila Koso, direktorica JU „Centar za kulturu, sport i informisanje“ Visoko i edukatorica Saveza općina i gradova Federacije Bosne i Hercegovine. Gđa Koso je istakla kako je Projekat ReLOaD2 kroz različite edukacije vijećnika i organizacija civilnog društva u partnerskim općinama i gradovima omogućio je poboljšanje protoka informacija, te doprinio lakšem delegiranju probleme i unapređenju aktivnog učešća građana u donošenju odluka.

Na ovu istu temu, ranije je održana obuka u općinama Novo Sarajevo, Prozor-Rama, Vitez, te gradovima Bihać i Goražde.

Ciljevi obuke su upoznavanje vijećnika i službenika sa važnostima i oblicima učešća građana i organizacija civilnog društva (OCD) u donošenju odluka, kao i doprinijeti transparentnosti i većem uticaju građana i OCD na procese donošenja odluka u JLS.

Modul obuke je pripremljen u okviru ranije faze Regionalnog programa lokalne demokratije na Zapadnom Balkanu (ReLOaD) koji finansira Evropska unija (EU) a sprovodi Razvojni program Ujedinjenih nacija (UNDP). Aktivnosti projekta „Podrška razvoju uslužno orijentisane lokalne samouprave u Federaciji Bosne i Hercegovine“ naslanjaju se na projekat ReLOaD2.

ReLOaD
Regionalni program lokalne demokratije na Zapadnom Balkanu

Gđa Koso je istakla kako je Projekat ReLOaD2 kroz različite edukacije vijećnika i organizacija civilnog društva u partnerskim općinama i gradovima omogućio je poboljšanje protoka informacija, te doprinio lakšem delegiranju probleme i unapređenju aktivnog učešća građana u donošenju odluka.

OBUKA ZA PREDSTAVNIKE ORGANIZACIJA CIVILNOG DRUŠTVA NA TEMU: „UPRAVLJANJE PROJEKTNIM CIKLUSOM“

U prostorijama Međunarodnog centra za djecu i omladinu Novo Sarajevo 29. i 30. marta ove godine održana je obuka iz oblasti „Upravljanja projektnim ciklusom“ za predstavnike organizacija civilnog društva.

Obuka se veže za Javni poziv za organizacije civilnog društva za predaju prijedloga projekata koji je objavila Općina Novo Sarajevo 20. marta ove godine i ima cilj da olakša učesnicima proces pripreme i izrade projektne aplikacije, kao i bolje razumijevanje aplikacione dokumentacije u okviru Javnog poziva.

Općina Novo Sarajevo još od 2015. godine vrši dodjelu sredstava organizacijama civilnog društva iz svih oblasti djelovanja pa i boračkim putem LOD metodologije, odnosno putem javnog poziva, projektnim pristupom gdje se razvija jedan takmičarski odnos među OCD i gdje odlučujuću ulogu ima kvalitet predloženog projekta odnosno njegov uticaj na širu društvenu zajednicu.

Organizator je Savez općina i gradova Federacije Bosne i Hercegovine u saradnji sa Općinom Novo Sarajevo. Obuka je održana u okviru projekta „Podrška razvoju uslužne orijentisane lokalne samouprave“ koji se naslanja na Regionalni program lokalne demokratije na Zapadnom Balkanu 2 kojeg finansira Evropska unija a provodi Razvojni program Ujedinjenih nacija.



Sa obuke PCM u N. Sarajevu

U OKVIRU PROJEKTA „JAČANJE ULOGE MJESNIH ZAJEDNICA U BIH“ ODRŽANA OBUKA NA TEMU FACILITACIJE FORUMA GRAĐANA U MJESNIM ZAJEDNICAMA

U Sarajevu je 05.04.2023. godine u organizaciji Saveza općina i gradova Federacije Bosne i Hercegovine i Saveza opština i gradova Republike Srpske održana obuka za koordinate iz partnerskih jedinica lokalne samouprave na temu facilitacije foruma građana u mjesnim zajednicama.

Ova obuka ima za cilj da omogući polaznicima da moderiraju/facilitiraju forum građana u svojim mjesnim zajednicama, odnosno da praktično primjene usvojena znanja i vještine tokom facilitacije foruma/zbora građana u mjesnim zajednicama. Također, važno je da se osigura transfer znanja i drugim predstavnicima mjesnih zajednica o procesu vođenja i facilitacije foruma građana koji predstavljaju jedan širok participativni proces razgovora o zajedničkim problemima i rješenjima, sa grupom ljudi koja ima neki zajednički interes. Rezultati foruma građana su najčešće preporuke koje imaju snagu većine koja je artikulirala dati interes. Na osnovu datih preporuka vrlo često se razvijaju projektne ideje koje doprinose razvoju lokalne zajednice. Tokom izvođenja praktičnih vježbi, koordinatori iz partnerskih jedinica lokalne samouprave su stekli osnovna znanja i vještine kao i tehnike rada facilitatora.

Ova aktivnost je provedena u sklopu projekta „Jačanje uloge mjesnih zajednica u Bosni i Hercegovini“ kojeg finansiraju Vlada Švicarske i Švedska, a provodi UNDP. Savez općina i gradova Federacije Bosne i Hercegovine i Savez opština i gradova Republike Srpske su partneri na ovom projektu.



Sa obuke MZ u Sarajevu

SEMINAR "UPRAVLJANJE ODNOSIMA SA JAVNOŠĆU I VJEŠTINE KOMUNICIRANJA"

U Tesliću je 16.3.2023. godine održan seminar "Upravljanje odnosima sa javnošću i vještine komuniciranja" u organizaciji Saveza općina i gradova Federacije Bosne i Hercegovine i Saveza opština i gradova Republike Srpske. Predavač na seminaru bila je dr. Semina Ajvaz, profesorica Univerziteta „Džemal Bijedić“ u Mostaru.

Profesorica Ajvaz je ukazala na ulogu i značaj odnosa s javnošću, važnost reputacije, percepcije i publicitet kao i na ciljanu skupina i njeno targetiranje. Ukazano je i na važnost planiranja odnosa s javnošću, kontrolne liste te najvećih pogreški u odnosima s javnošću.

U okviru seminara profesorica Ajvaz posebnu pažnju je posvetila medijima i medijskim politikama; Odnosima s medijima te na komunikacijske kanale u odnosima s javnošću. Za kraj je istakla važnost sistematske samoprocjene te komunikacijske kompetencije i vještine prezentiranja.

Seminar za koji je vladao veliki interes učesnika, održan je u okviru projekta Jačanje kapaciteta saveza općina/opština i gradova u BiH za članice općine i gradove.



Sa obuke u Tesliću

ODRŽAN TRENING TRENERA IZ OBLASTI RAVNOPRAVNOSTI SPOLOVA

U organizaciji Saveza općina i gradova Federacije Bosne i Hercegovine i Savez opština i gradova Republike Srpske, u Sarajevu je, u Hotelu Ibis Styles 13. i 14.03.2023. godine održan drugi trening za trenere/ice učesnike/ce neformalne mreže za ravnopravnost spolova/polova.

Ovaj trening je namijenjen službenicima/ama iz jedinica lokalne samouprave koji/e su uzeli učešće u programu „Globalna priča u lokalnim koracima: alatke za lokalne samouprave za implementaciju SDG cilja 5”.

Program je implementiran kroz projekat „Jačanje uloge saveza općina/opština i gradova u Bosni i Hercegovini“ koje provode Savez općina i gradova Federacije BiH i Savez opština i gradova Republike Srpske, u saradnji sa Savezom lokalnih vlasti i regiona Švedske (SALAR), a uz zajedničku podršku ambasada Švedske i Švicarske.



Učesnici/ce su imali priliku da, kroz interaktivne vježbe unaprijede svoje vještine i znanje na temu rodne ravnopravnosti i to:

- Senzibilizacija za rodna pitanja;
- Pravni i institucionalni okvir;
- Cilj 5 održivog razvoja za rodnu ravnopravnost;
- Alatke za lokalne samouprave i set politika za ravnopravnost spolova na nivou lokalne samouprave.

U uvodnom dijelu treninga, učesnicama i učesnicima su se obratili predstavnik Ambasade Švedske, gospodin Mario Vignjević, predstavnica Ambasade Švicarske, gospođa Snežana Kanostrevac Cvijetić i direktorica Saveza općina i gradova FBiH, gospođa Vesna Travljanin.

Učesnicama i učesnicima su dodjeljene zahvalnice za učešće i doprinos u programu rodne ravnopravnosti „Globalna priča u lokalnim koracima”.

Gledajte Savez općina i gradova
Federacije Bosne i Hercegovine na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu proslijedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.